

QVÆSTIO MEDICA

CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XXII. MARTII,

M. CLAVDIO GERMAIN Doctore Medico, Moderatore:

An in fracturis Capitis, quavis anni tempestate, intra tertium diem ossi admoüenda terebra?

883

HOMO, cuius gratia rerum omnium ornatus est institutus, nascitur in varietatem, quâ continetur orbis decus: cum enim sit vnum specie singulari, nulla opera tot alibi dissidentia reperies indiuidua, pluribusque illa distinxit inter se lineis industria naturæ suas explicantis opes, quam vlla pictura delectauit vnquam colorum numero intuentium oculos. In ijs eodem consilio pars earum, quæ materiæ faci sunt immersa, princeps effingitur in huius diuersitatis venustatem, quippe non vna ex multitudine penè infinita similis est alteri, non futurarum certus numerus, non idem locus, non vnica facies est; est quæ illarum penuria laborat. Ossis in eodem compages non eadem ratione coagmentata, hic molle, ibi durum ex crassamento seminis terreo & pingui subactum, vna sui parte simplex, altera duplex, densum, tenue, firmum, infirmum effectum est. Hinc in cranij fracturis, minor est noxa in osse verticis & aurium: peior in eo quod subest temporibus, longè grauissima & maxime omnium lethalis in bregmate: an quod cerebrum illic subditum sit vberius? an potius integumentis primi tenuitas accusanda, cum ossis imbecillitate, tandemque hac parte concipiendæ phlegmonæ aptius inuolucrum cerebri cum inuoluto cerebro.

TAM varij capitis omenta, dum cranium patitur vnitatis suæ detrimentum, non longa interiecta mora qualitatibus læduntur naturæ temperiei infensus, vnde cita mors venire potest: causa tanti mali sanies, quæ vel in contuso collecta loco, per externum cranij superficiem exitum non inueniens cuniculis actis fertur prona ad membranas, vel per angustiores rimas in illas illabitur, quas tandem ferali putredine corrumpit, atque serie quadam nocentissimam cerebro labem inurit: ex quo postea homo de recto sapientiæ cursu decedit, ferturque præceps in emotæ mentis vitium. Cunctator medicus hic oleum perdet, immeritaque calamitate luet æger prolati remedij moras. Consultus verò hominum salutis, quam primum sensu & mente, duobus veri indagandi criterijs, coniecerit membranarum ab ichore oblâsionem, non decernet haustum poculi vulnerarij, non ad vilitatum & ratione inuentum in alijs fracturæ generibus obligandi modum licet ἀφραγματοῦται; confugiet, sed grandiore continui solutione quam terebra procurabit, cruori laxabit viam, spemque fere perditam veluti postliminio restituet.

NON ita solidum est tectum nobilissimi visceris, vnde diffusa per totum corpus anima durans aucto singularique priuilegio magnitudinis experts inspirat non vim motricem & sensum, sed spiritum, vt absque noxa telorum acutorum aciem, aut obtusorum duriorem hebetudinem sustinere vel eludere possit: modo contundunt obtusa, incolumi cute, sæpe cum ea caro vestitusque caluarie sauciantur, interdum in societatem calamitatis trahitur cranium inuitissimè, quod dum fit variè frangitur; scilicet vel assulose, vel sub ipso ictu confusione deprimitur, vel extractura intro cedit, vel telocumini sui vestigiis imprimente excinditur: quin & euenire solet vt vna parte fuerit ictus, quem tamen impune ferat, & os altera etiam aduersa fiderit: quocumque autem modo pertusa fuerit caluaria, plenissima quouis tempore periculi res, à quo secuta nemini valetudo, nisi multis post diebus: non rarò bilem vomit ventriculus, caligant oculi, obmutescit æger & quasi conclamatus jacet: non tamen in omnibus eadem est obuerfantis imago periculi; minus est si incisa solum aut diuisa superficies exterior: maius si vtraque angustiore rimâ hiet in ea parte quæ non excepit ictum, maximum cum membranæ & cerebrum vulnus altius intromittunt. Non propterea mittit ad tibicines Medicus, sed sincero studio languenti feret opem, atque presidio salutaris suæ artis, quæ toties huius generis ægros pristina restituit sanitati, se ad vulneris sua natura non lethalis curationem accinget.

O B vnum corpus, sed perfectissimum, omnia fere quæ natura voluit patere sensibus, veniunt in considerationem artificis à quo petitur ipsa salus, ex quibus anni tempora solennisque mutationes cura sagaci scrutatur, vt mente futuri conscia præsentiat quid possit in corpus aëri spirabili temperies impressa: quæ hinc expectanda commoda: quæ iniuriæ? quæ tempestas infensus? quæ retardat vel promouet impetum: æstiuæ capitis fracti saniei jam ad putredinem properanti fert suppetias, quò citius labefactentur meninges, phlegmone corripiantur, maiori diuexetur æger dolore, deliret, æstuet febre. Dum defæuit hyems tardius sæuiunt hæc symptomata, nec postridie nec in perendinum se produnt, sed sæpe decimoquarto die hominem male perdunt; si tamen bene calculum ponis, non æstatis calor, non hyemis frigus, non veris probè temperati salubritas, non autumnus inæqualis constitutio, membris modò suum frigus, modò calorem insinuantis vim malefici tibi emendabunt, multò minus repriment, sed statim pondere suo decumbens, indefinenter necessariaque alteratione quod tanget ad noxiæ qualitatis admissionem coget, quæ si triduo putredini vltimam non addat manum, saltem ad eam non segniter disponet.

DILIGENS Medicus priusquam ossi capitis fracto medicinam adhibeat, omni mente in ea cogitatione curaque versari debet, vt odoretur quam sagacissimè potest quis fracturæ modus πείρω reculet, quis postulet, ὥσπερ αὐτοῦ hiulca, ὥς τις aliqua species primi sunt generis, quas propterea humido medicamine curabit. At si coram est φράσις latens, patens, rima πείρω & amplior, ὥς τις vna aut altera species ad crudele Chirurgiæ ministerium, scalpris, terebra, modiolis perficiendum confugiet; atque si necessaria sit πείρωσις, ager ex arte, si eius imperio seruens Chirurgus caluariam intra triduum patefaciat ac perforet: imò cum summum sit in mora discrimen, parum de temporibus anni sollicitus, quò citius id iubebit, eo felicius effrenatas futurorum alioquin symptomatum vires coercerebit, non phlegmone membranas lancinabit, non mens falsis deludetur imaginibus, non pars opposita distendetur, ad illam nondum transmissa labes; non ardor febrilis viscera devret, sed tandem pœnis ægri fatiscientibus melior valetudine fiet.

Ergo in fracturis Capitis, quavis anni tempestate, intra tertium diem ossi admoüenda terebra.

Proponebat Lutetiæ QVINTINVS THEVENYM, Catalaunæus. A. R. S. H. M. DC. XL.